

# Prinibenен Minalångon Masisinek Despues Di i Ira

## Prutehi hao yan i familiå-mu:



Gimen yan usa maolek yan såfo' na hånom.



Na'sesso fuma'gåsi i kannai-mu.



Mungna masinek gi maseha håfa na fina'lugåt hånom.



Kånnó' maolek yan såfo' na nengkanno'. Na'loklok, na'lågu, lassas, pat yute'.



Na'såfo' numa'gåsgas.



Suhåyi milak hånom pat tinatmen fina'lugåt hånom.

### Gimen yan usa maolek yan såfo' na hånom.

- Ekungok i ufisiåt mahot siha para un ketungo' kao maolek yan såfo' i hanom-mu.
- Usa buteyan hånom para un gimen, mama'gåsi, yan para prepåran nengkanno', mama'tinas ais, yan para un brochas i nifen-mu.
- Yanggen tåya' buteyan hånom, na'loklok pat un na'suha i tinatmen hanom-mu ya u maolek yan såfo'.



### Håfa taimanu para un na'såfo' ya u maolek i hanom-mu gi para un na'loklok pat na'suha i tinatme:

- Yanggen un na'loloklok, na'fåtto gi sen loklok ya un konsigi mås un/1 minuto.
- Para un na'suha i tinatmen hanom-mu, usa i taipao yan fotgon na fina'engkola. Yanggen klåru i hanom-mu, nå'yiyi ocho/8 na tuho' gi un/1 galon hånom. Kumu lebbok i hanom-mu, usa disi sais/16 na tuho' gi un/1 galon hånom. Nangga trenta/30 minutos åntes di un gimen.

### Håfa para macho'gue yanggen malångu hao pat i familiå-mu ni' masisinek:

- Na'siguru na gumigimen hao maolek yan såfo' na hånom pat fina'åmot gumimen rinuebu (ORS).
- Bisita i mås hihot na fina'hospitåt salut. Konsigi i na'siguron gumimen mientras gaige hao gi gima' pat yanggen humåhanao hao para un ma'åmte.
- Konsigi numa'susu i neni-mu kumu kinilak take'-ña, kontodu yanggen humåhanao hao para ma'åmte.



### Na'sesso fuma'gåsi i kannai-mu ni' habbon yan maolek yan såfo' na hånom.

- Åntes di un chocho pat un prepåra nengkanno'.
- Åntes di un na'chocho i famagu'on-mu.
- Åntes di yan despues di un åmte i chetnot pat un atetende håyi malångu.
- Despues di un usa i kemmon, un tulaika pañáles, pat un na'gågasgas påtgon despues di monhåyan ha usa i kemmon.

Kumu tåya' habbon, usa fina'atkahot na fa'gåsi kannai ni' guaha sisenta/60 put siento påtten atkahot.



### Kånnó' maolek yan såfo' na nengkanno'.

- Na'loklok, na'lågu, lassas, pat yute'.
- Suhåyi kåtne, fina'leche na nengkanno' ni' ti ma na'manengheng gi kåhon ais.
- Na' lågon maolek i nengkanno'. Kånnó' ni' mamaipe ya na'siguru na un tåmpe.
- Suhåyi måta' nengkanno' fuera ki i fruta siha yan i gellai siha ni' hågu mismo lumåssas.



### Na'såfo' numa'gåsgas.

- Na'gåsgas i sagan mamprepåran nengkanno' yan i tråstes mama'tinas ni' habbon yan maolek yan såfo' na hånom ya un na'gof ånglo' åntes di un usa ta'lo.
- Fa'gåsi hao, i famagu'on-mu, i pañales siha, yan magågu siha siento/100 pie' na destånsia gi fina'lugåt hånom.



### Suhåyi milak hånom pat matåtme na fina'lugåt hånom.

- Fa'gåsi i kannai-mu ni' habbon yan hånom despues di un pacha milak hånom.
- Mungga masedi i famagu'on para u fanhugåndo gi fina'lugåt hånom.
- Mungga masedi i famagu'on para u fanhugåndo yan hugeti ni' pinacha nu milak hånom ya ti ma na'suha i tinatme.



Påra mas infotmasion pot i mapribenen minalångu despues di i ira, bisita: [www.cdc.gov/disasters/disease/facts.html](http://www.cdc.gov/disasters/disease/facts.html).